



Inatsisartunut ilaasortaq Anders Olsen, Siumut
Inatsisartut
/MAANI

INDGÅET

25 FEB. 2014

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

**Avaleraasartuunik nunami tunisassiorsinnaaneq pillugu § 37-ikkut
apeqquteqaatinut akissut**

17-02-2014
Suliap nr. 2014-096284
All. nr. 1491476

Inatsisartut suleriaaseqarneranni § 37, imm. 1 naapertorlugu avaleraasartuut imar-
tatsinni aalisarneqartut nunatsinni tunisassiarineqarnissaat qulakkeerniarlugu Naa-
lakkersuisut sunik pilersaaruteqarnersut pillugit apeqquteqaatinik saqqummiussisima-
vutit. Apeqqutit uannut akisassanngorlugit innersuutigineqarsimapput.

Postboks 269
3900 Nuuk

Oqarasuaat (+299) 34 50 00
Allak. (+299) 34 63 55
E-mail: apnn@nanoq.gl
www.naalakkersuisut.gl

Apeqqutit:

Avaleraasartuut imartatsinni aalisarneqartut nunatsinni tunisassiarineqarnissaat
qulakkeerniarlugu Naalakkersuisut sunik pilersaaruteqarpat?

Akissutit:

Avaleraasartuunik nunami tunisassiornissamut tunngatillugu Naalakkersuisut maannak-
korpiaq pilersaaruteqanngillat. Aalisakkanut allanut tunngatillugu nunami tunisassiarine-
qartarnissaat piumasaqaataagaluartoq, avaleraasartuunik aalisarnermi pissutsit allarlu-
innaapput.

Avaleraasartuunik aalisarneq aalisarneruvoq suli ineriartortinneqartoq. Avaleraasartuut
ukiuni ikittuinnarni amerlasuujullutik nunatta imartaaniittarsimapput, nunattalu imartaani
avaleraasartuunik siunissami aalisartuaannarsinnaanissaq suli nalorninarloqarluni.
Tamatumani saniatigut aalisakkanut ukioq naallugu imartatsinniittartunut soorlu raajanut
qaleralinnullu sanilliullugu avaleraasartuunik aalisarnissamut piffissaq sivikitsuarsuu-
voq. 2013-imi avaleraasartuunik aalisarneq julip missaanit septembarip tunngaanut
ingerlanneqarpoq.

Avaleraasartuut aalisarnissaanut piffissap sivikitsuunera aammalu siunissami avaleraa-
sartuunik aalisarnerup qanoq isikkoqarsinnaanissaa suli nalorninarloqarmat, avaleraa-
sartuunik nunami tunisassiorsinnaanissaq Naalakkersuisunit pilersaarutigineqanngik-
kallarpoq. Taamakkuartuq namminersortut nunami avaleraasartuunut suliffissua-
liornissamik qinnuteqaateqaraluarpat, Naalakkersuisut qinnuteqaat sukumiisumik
nalilersorluassavaat.

Naggasiullugu ilisimatitsissutigisinnaavara avaleraasartuut nunatta imartaanni siorna
pissarineqartut amerlanersaat sularineqaaqqaratik umiarsuarni ingerlaannaq qerititerne-
qartarmata nunanullu allanut nioqqutigineqarlutik.

Inussiarnersumik inuulluaqqusillunga

Finn Karlsen